

"Ne duam të bëjmë një ceremoni të krishterë!"

Bibla thotë që "Martesa të nderohet nga të gjithë . . ." (Heb. 13:4). Të fejojeni dhe pastaj të martoheni është një gjë e ndershme nga ana e Perëndisë. Por edhe nga ana jonë martesë duhet të nderohet, jo vetëm me fjalë por edhe në praktikën tonë.

Për shembull, praktikisht të gjithë të rinjtë, që janë të krishterë thonë: "Ne duam të bëjmë një ceremoni të krishterë!". Kjo është shumë e ndershme. Sido që të realizohet, kjo kërkon një bashkëpunim midis barinjve dhe të rinjve. Bashkëpunimi do të thotë që të dy palët kanë përgjegjësi të cilat shpjegohen më poshtë. Shpresojmë që këto shpjegime do t'i përmirësojnë metodat tona, do të eliminojnë keqkuptime dhe, në fund të fundit, do të na ndihmojnë ta nderojmë martesën më shumë.

Të rinjtë kanë përgjegjësi:

1. Të bisedojnë me pleqtë përpara se të fejojen. Fatkeqësisht, shumë shpesh pleqtë janë të fundit të marrin vesh për një fejesë. Nuk duhet të jetë kështu. Meqë një fejesë nuk bëhet për një ditë, kjo do të thotë që të dy të rinjtë kanë pasur kontakt, kanë biseduar dhe, ne shpresojmë, janë lutur përpara se të shpallin fejesën. D.m.th., ata kanë pasur shumë mundësi të flasin me pleqtë. Të shpallet fejesa duke mos folur me pleqtë (edhe me prindërit) dhe pastaj të kërkojnë një ceremoni të krishterë në kishë do të thotë mosrespektim të autoritetit që Perëndia ka caktuar në kishë dhe në familje.
2. Të mbajnë pastërti morale gjatë fejesës. Le të mos harrojmë që Hebrenjve 13:4 vazhdon kështu: "Dhe shtrati martesor i papërlyer, sepse Perëndia do të gjykojë kurvarët dhe kurorëshkelësit". Pleqtë nuk do të bëjnë një ceremoni të krishterë për dy të rinj që nuk mbajnë pastërti morale gjatë fejesës. Ne nuk bekojmë kurvëri.
3. Të bëjnë rregullisht mësimë dishepullimi me një plak dhe gruan e tij gjatë fejesës. Temat e dishepullimit do të përfshijnë pastërtinë morale, përgjegjësitë gjatë fejesës, planifikime për dasmën, përgjegjësitë e burrit dhe gruas, etj..

Pleqtë kanë përgjegjësi:

1. Të këshillojnë të rinjtë në lidhje me karakterin, përgjegjësitë dhe gatishmërinë e tyre për fejesë dhe martesë. Ka raste kur dy të rinj nuk janë gati të fejojen!
2. Pleqtë do të bëjnë këto pyetje me ata që kanë dëshirë të fejojen:
 - A jeni të shpëtuar?
 - A keni një përbashkësi të mirë me Zotin?Nëse përgjigjet e këtyre pyetjeve janë 'po', atëherë pleqtë mund të fillojnë një bashkëpunim me çiftin.

3. T'i nxisin të rinjtë për vepra të mira duke kërkuar llogari në lidhje me pastërtinë morale. Përpara fejesës dhe gjatë fejesës pleqtë do të bëjnë rregullisht këtë pyetje:
– A jeni të pastër moralisht?
Nëse përgjigjja e çiftit është 'jo', atëherë, nuk bëhet një ceremoni e krishterë në kishë.

4. Të bëjnë mësimë dishepullimi me ata që janë të fejuar.

5. Të ndihmojnë çiftin të planifikojë një ceremoni të ndershme.

A keni dëshirë të bëni "një ceremoni të krishterë në kishë"? Atëherë, le të bashkëpunojmë!

Për lavdinë e Krishtit

Pleqtë